



# Стеллаад

№11-12, 2016 шо

<http://stelaad.ru/>



## Рашидов Шайд



Халкъан поэт Рашидов Шайд веха Гүмсан клоштан Энгель-Юртхахь. Нана-Нохчийчоь ша юйцуш, хестош, даима цүнан дагахь хилла жима даймохк бу и.

Поэтан кхузткъе ялхитта шо кхечира ноябрь беттан 15-чу дийнахь.

Кхета аттачу, ценчу халкъан маттахь, ненан меттан шортачу таронех, исбаяхъаллин гъирсех говза пайдаоьцууш язина хиларна, еза нахана Шайдан произведенеш.

Мукъамашна аыхна йолчу Ш.Рашидовн байташна тъехъ дуккха а иллеш даыхна похъма долчу илланчаша.

«Стелад» журнало шен къоначу дешархонна йовзуыйту «Баркалла, адамаш!» це йолу стихотворени.

## БАРКАЛЛА, АДАМАШ!

Баркалла, со везаш кхиййнчарна,  
Шелвелла, мацвелла висарна кхоруш.  
Баркалла халкъана, сан талам барна,  
Гуллакхца, гиллакхца доггах со лоруш.

Баркалла массарна, дахарехъ хийла  
Го дарна, дуъххъара ког бакха лемаш.  
Дуй буу, лаътта тъехъ со мел ву дийна,  
Вехар ву, диканна даржийна тлемаш.

Баркалла, со везаш кхиййнчарна,  
Халонехъ, гелвелла, вожарна кхоруш.  
Баркалла, адамаш, дехаш хиларна,  
Воккхавоъ, шун ирсан дебаре хъольжуш.

# КЕРЛА ШО

Керла, керла, керла шо!  
Клайн бос, клайн маж, сира чо!  
Басахь йульлу кехат клайн,  
Цу тීе сурт ахь дилла хъайн!

Лайца догту керла шо!  
Клайн бос – арахь, клайн бос – чохь!  
Арахь гулло «акхарой» –  
Хъульнан акха бахархой.

Барзах хилла хелхарча...  
Пхъагал, цхъогал, буурса ча  
Хъийза, хъийза мукъамехь,  
Цу лайн чимиин дукхаллехь.

Гура-Дадин лоций маж,  
Барзо боккху шена лаж.  
Кампет юуш йоллу ча,  
Цу тීе кхоллущийла ша.

Тлеклельюйлу «акхарой» –  
Лайлахь оху ахархой.  
Лайн мижаргаш кхуйсучохь  
Ма сацалахь, буурса ча!

Чагллуш хиларх арахь дарц,  
Бераш совца туьгуш дац.  
Кхойкху цара: «Керла шо!»  
И схъакхаччалц хелхарш до.



## КЪОНА ИЛЛАНЧА



Арзалиев Идрис

Похіма долу бераш долчохь даима лајтта  
кхоллараллин серло.

Цхъацца говзаплаш караерзийнаш кlezig бац вайн:  
суърташ дохкуш, байташ язъеш, хұума тоғуш,  
пхъола дан хууш.

Арзалиев Идрис дечиг-пондар лакха хууш а, или  
олуш а ву. Цүнан ңе, вайн республикехъ евзина ца Іаш,  
дозанал арахъа а евза. Сих-сиха го иза «Могуш-марьша»  
телехъожийлехъ.

Похіма долчу Идриса дákъалоцу тайп-тайпанчу  
фестивалашкахъ, конкурсашкахъ. Цигахъ тоылла

меттигаш яхарна, Идрисана елла дуккха а грамоташ, дипломаш; дина деза  
совгаташ а.

Бlaъrса дика дац Идрисан. Амма иза хlумма а вөхна ңа: похімалло, деган  
серлоно гло до цатемаш эшо. Клант чоғла ийна ву, самукъане, забар ян хууш,  
къинхетаме дог долуш.

Борхалгlaчу классехъ досьуш ву Арзалиев Идрис дистанционни дешар Іамочу  
школехъ. Хъехархона тоышалла дарехъ, хlуманна сиха тlaъхъакхууш, дика  
досьуш, низам долуш ву клант.

Парабевлла болчу нохчийн къоман артистаща Межидов Сахъабца а, Исмаилов  
Шарпуддица а цхъаынакхетар а хилла Идрисан. Уш санна, дика веевзаш а, нахана  
дукхавезаш а ипланча ву вуъжуш-глоттуш а дечиг-пондарца дákъасташ воцу Идрис.

Теша лаъа нохчийн исбайхъаллин культурехъ дөгучу седарчашина юкъахъ кхин  
цхъа сирла седа къегина хиларх.

## ДАЙМОХК СУРТАШКАХЪ

Суна лаъмнаш генах гира.  
Цара шайга соь кхайкхира.  
Терк а гира, тулғе сийна,  
Охъакхача уьдуш сиха.

Гира кура Къөзан-lam а,  
Шеца йоцуш юста хазна.  
Шовда дара, доккүш тача,  
Малхо хъостий, кхочуш ара.

Тахана со дукха Іуъирре  
Кечъеллера школе кхача.  
Кехатна тle ойла кхачош,  
Гойтур бу ас хъоме Даймохк.

Суърташ дохкуш, суна гора  
Лаъмнаш, Терк а, Къөзан-lam а.  
Цара соъца къамел дора,  
Сан дагара хууш санна.



Абдрахманова Зарема

## \* Берийн кхолларалла \* Берийн кхолларалла \*

### ГҮЙРЕ

Схъакхечи гүйре,  
Дашо глаш һенош.  
Шийла ю сүйре,  
Дацделла денош.

Сирла, комарьша  
Іаламан турира,  
Хьо хульда марьша,  
Сов башха гүйре!



Юсупова Сабина



Юсупхаджиева Лиана

### ДАШО ГҮЙРЕ

Дашо гүйре, хаза гүйре,  
Еъна вайна дахъаш турира.

Гларагулеш махках юйлу.  
Це-можа глаш диттех дуийлу.

Іалам лийчош, догла һена.  
Олхазарш длатийна бенахь.

Денна шеллуш йогту һүйре.  
Цхъалхаяльла мульта аре!

### ШИЙЛА ІА

Улханова Сурат

Шийла-шийла һа төкхечи,  
Кечдеш дерриг һалам вайн.  
Клайчу басе дирзи дитташ,  
Лайтта тесна куз бу клайн.


Марша я хьо, шийла зама!  
Хъайца далахь  
шортта беркат.

Ма хаза ду хинца арахь,  
Берийн дылла самукъа.

Ловзу бераш, уьду бераш,  
Шелонах ца къехка.  
Ма самукъадаълла церан  
Дуиххарлерчу  
лайн чимех!



Ахмадова Сафия





# МАЙРАЕЛА



Майраела пхоялғачу классе вальлачу шарахь дара и. Сентябрь беттан ши кира діадаъллехь а, кентан ойла хинца а дешарна тлейирзина яцара.

Цхана дийнахь урокана таъхъа а висина веара Майраела. Охъахаа воьдуш, ша цахъ бан беза йозанан болх ца бина дела, цхъацца сонта ишарш еш, ерриг класс карзахъякхири.

Уын тіхь цхъа алам діаязбан вахийтира Майраела хъехархочо.

Майраелас, сихха мел діа а кхыллина, элира:

– Мел ца хилча, ас муха яздийр ду?

Бераш, самукъадаълла, кхиначлога карзахдевлира. Хъехархочо Майраела, да я нана доцуш шена гучу ма вальлахь айлла, цхъа лерг а лаъцна, классера ара а вайкхина, урок кхин діа яыхьира.

Дукха хан ялале, корах ара хъажар нисделлачу хъехархочунна гира, Майраела таъхъа а хлоттийна, школе йоглу йоккха стаг Маржан. Изя Майраелин денана яра.

Хенаро волчу хъехархочунна дика бевзара шен юртхахой.

Маржан сиха стаг яра, хъаңгга а кіоршаме дош ала озалур йоцуш.

– Бераш, ладогіал! – элира хъехархочо, Маржан класса чохъа яльча, изя йистхила кхиале. – Гой шуна, шен йоккхалле хъаъжна ца іаш, дега я нене ца кхочуйтүш, шен кентан кіантана сагатделла еанарг.

Шу а ма дац цахь цхъаъ воцуш, шунчарах ма ца вогу цхъа а, кхайкхича, дехар дича а. Жимчун терго еш, йуналла деш цхъаъ хилча, жимчух стаг хульу. Шуна гун дерг ду шуна и: гїллакхехъ а волуш, гїуллакхехъ а волуш, нехан ларам а болуш, шен денана бахъана долуш, Майраела кхуург хилар. Хъуна Дела реза хуълийла, Маржан, кхуза ярна. Хъажахъа, хъан пхъарс багийна олуш, хезнера суну. Вайн чуърчу несо цхъа белхъам кечбо хъуна, царо йина чов ерзош. Сарахъ Майраела вайтхахъа. Кхин кхунна дов а ма делахъ, ас иштта а човхийна хъуна xlara.

— Дера, атта-м ца човхийна хъуна ахъ xlara, — элира йоккхачу стага, кентан клантехъа а йоързуш.

Хъехархочо динчу къамело дог-ойла карчийнера цуунан.

— Схъаверзал съгахъа! Хъо ишколехъ вон лепла аылла кхин сан лерах кхета-кх — ас нитташ юккъехъ вижар аыхна дийр ду хъуна, ас чимех моз тардийр ду хъуна! Кхийтирий хъо?!

Классехъ тийна дара, жимма диллинчу корехула арахъ дека олхазарш а хезаш.

Массеран йодика а йина, Маржан длаяхара.

Цийделла лерг а лацна, охъа а таына, неларехъ лаътташ волу Майраела шен метта охъахайтира. Дешархой тапъаълла йаш бара. Хъехархочо урок длаяхъа волавелира.

Майраела-м вацара меттахвала а караходолуш.



# ПІЕЛГИЙН АОВ

Куъйган піелгийн  
Къовсам баялла,  
Коърта мульханиг  
Бу айлла.

– Бу со нана,  
Боккха бу.  
Со аш лара  
Декхар ду.  
Товш бу вайна  
Юкъахъ барт:

Ларде дош шайн,  
Ларъе бат...

Юкъахдоккхуш  
Вешин «бур-р»,  
Хъажо піелго  
Глаттий қлур:  
– Ас ма гойту  
Шуна некъ.  
Къонах бу со,  
Дацарх мекх!



Ас хъажийнчу  
Новкъа долхахь,  
Дезар дац шун  
Чөла, делха...

– Со бу лекха,  
Коъртаниг, –  
Эвхъазбели  
Юккъерниг:  
– Со аш лара  
Шинне ағор,  
Тлаккха эхъо  
Дац шу дагор.  
Вашас ваша  
Ларван веза,  
Вешин безам  
Хила беза...

– Хъо дласаца,  
Иймандоцург!  
Девне бели  
Шен цө йоцург:  
– Сан беш аша  
Альтто бац.  
Ишта дехой  
Оьшуш бац!  
Сайн ирс лохур  
Ду ас цхъалха.  
Атта дууш  
Дульне майлхан!  
Вай вовшашна  
Несалахь дац.  
Цхъа а цхъянне  
Декхар вац!

Хюора пелго  
Етташ муърг,

Лазадаълла  
Дерриг куыг.

– Со лазийна,  
Шу деш лаза, –  
Дош хазийна  
Пелго цаза. –  
Со массарел  
Жима бу.  
Делахь, вайн  
Цхъа орам бу!  
Со ца хилча,  
Шу а дац.  
Тлаккха ницкъ вайн  
Хир ма бац!  
Шуна хаахь,  
Вай цхъаъ дуй,  
Балур буй вайх  
Онда буй!



# Дарц

Ломан дукъна хъекхош цергаш,  
Карзахдаълла угъу дарц,  
И йист блаъра шена лелхаш,  
Тлеттла дарлуш, бека арц.

Дарц – вай даълла! – блаърга хъийза,  
Хилла шех а цхъа кайн кlyр.  
Некъахо и герта хъовзо,  
Цунах бина новкъахъ хlyр.

Ижу лоъхуш, я ка къовсуш,  
Цуынца цхъа а экха дац.  
Цхъа борз ю-кха гойтуш кломсарш.  
Иза цуынга къарлур яц.

Оцу берзан амал эцна  
Къовса араваълла со.  
Цу дарцана һад дуийлина,  
Аре толлуш, лела со.

Садолур дац, са кхоор дац.  
Поллур ю ас дарцан чалх.  
Ламанан арц серлабоккхуш,  
Глаттор бу ас дашо малх!



# ЭТКАШ ТӨҮХИНА ЦИЦИГ

Түйіра

Хъана хъархочун кхо қлант а, вир а, цициг а дара. Клентий хъерахь болх беш бара. Виро шен букъа тілехь мохъ діасалелабора, ткъа цициго дехкий лөңцурा.

Хъархо велча, цо шен тільхъенна дитинарг кіенташа шайна юкъахь дийкъира. Воккхах волчу қлантана хъер

кхечира, юккъерачунна – вир, ткъа жимах волчунна – цициг. Кхин декъа хұума дацара церан.

Глайглане вожнану жимах волчу қлантана элира:

– Суна уғгар а декъаза дákъа кхাচна. Воккхачу вешин кла охъийла ду, шолғачун вира тілехь лөльдійла ду, ткъа ас хұн дийр ду сайн цицигца? Декъа цүнан цоканах сайна каранаш ца дайтахь, кхин дан хұмма а дац.

– Ладогіл! – элира цициго, қлантамел айллачух кхетта долчу. – Ца оьшу со ден, пайда бер боцу каранаш сан цоканах дархъама. И дечул суна эткаш тегийтахъа, нахана юкъа сан арадолийла хилийтартхъама. Тілакха хъан гүуллакхаш а дика хир дара.

Хъархочун қлант резахилира цициго бохучунна.

Эткаш тегна ма-евллинехь, уыш шен когаш тіе а озийна, тільбиг схъа а эцна, цу чу клемзиг кла а тесна, тільбиган бертигах чимчаргіа чекхдақкхира цициго, чимчаргіа тіеозийча, тільбиг діакъовлалуш хилийта. Тілакха, и тільбиг шен белшах а тесна, лела араделира.



Оцу заманахъ пачхъалхана көртөхъ лајтташ цхъа паччахъ вара, шен сил а дукха кхерзина акхакотамаш езаш. Хъун юъззина яра акхакотамаш, амма уш, адамах чөглө къаљхкаш хиларна, цхъана а иччархочуынга схъа ца лацалора. Цицигана и хавара, цундела иза кхечу тайпана төедирзира оцу гүуллакхна.

Ша хъувнха деача, төөрмиг дла а баястине, көззиг кла дласа а тесна, чимчаргы тле а ца озош, баца юкъе дәлачкъийра цо төөрмиг. Ткъа ша, диттана төхъя а лечкъина, акхакотамаш ларъян хъойтира.

Дукха хан ялале, төлемаевлла яхкина, схъакхечира акхакотамаш. Кла а гина, тлахъа-хъалха уш төөрмиг чу лелха юйлаелира. Дукхана а гульелча, цициго чимчаргы төөзийра. Төөрмиг шен букъ тле а тесна, цициг нийсса паччахъан керта дәдахара.

– Саца! Стенга дөйдү хьо? – айлла, мањхъарий хъавхира гаролхоша.

– Паччахъна тле дөйдү! – элира эткаш юйхина долчу цициго.

– Цицигашна ца мега чудаха! – доцца хадийра цхъана гаролхочо.

– Дәдахийтахъа, – элира шолгачу гаролхочо, – паччахъ сахъийзаш ву. Хъанна хава, шен хур-хур дарца цициго цүнан самукъадакхана а ма мега.

Паччахъан чоънаш чу маделли, наха деш ма-хиллара, лохха корта охъатайира цициго.

– Сан эло, – гаравальла вевзаш волчу цхъана элан це яккхира цо,

– маршалла доуьйту шен паччахъе! Ша хинцца речланца лецна йолу хлара акхакотамаш а яйтана хъуна сан эло.

Паччахъ цеџелира, сел нисъелла а, тамехъ а, ерстина а йолу акхакотамаш гича.

Пакхха цо омра дира шен хазнанче, цициге дәдахъалур долчул ахча дилла цүнан төөрмиг чу айлла.

– Хлара ахча хъайн эле дла а ло, цо дина совглат бањана долуш, согара даггара баркалла а ала цунна, – элира паччахъо.



Ткъа хъархочун миска къант цу хенахь, кора къел а хиъна, гъйла ойла еш, лаш вара, цициган эткашна ша тъльхъара дисина долу ахча дайъина боух. «Цициго хун йоккхур яра сұна?» – боухра цо.

Ца а деана, шен белш тъера тъерьмиг къантана хъалха дла а бастына, чуъра ахча охъа а диллина, цициго элира:

– Хан, хлара къезг-мезг хұма эткех ду

хъуна. Цул совнах, паччахъо маршалла а дайтира хъояга, баркалла ала а элира.

Хъархочун къантана чыгыла хазахийтира, тъльхъана шена хилла и ахча гича, мичара даялла ша ца кхетахъ а. Когара эткаш дәйохучу юкъана дерриг а дийца кхиира цициг.

Шолғачу дийнахъ юха а, талла а дахана, дика ижу яыхыра цициго паччахъна.



Иштта хюра дийнахь а дора цо. Ша цла догүчу хенахь деши а дохьура. Паччахъна иза дукхадезарна, гваролхоза, саца а ца деш, паччахъан цла чу а доуьйтура, шена дага деанчу меттигашкахула кхерсташ а лоьлуюйтура.

Иштта цкъа цхъана дийнахь цициг паччахъан кхача кечбечу цла чохь пешана уллехь дохлуш юш дара. Цаъххъана чоххъа а вальла, лен волавелира цхъа ялхо. Иза гудалкха тъехь говраш лохкуш верг вара.

– Да велла йиса и паччахъан ю! Чагтар мала а, кехатех ловза а ваха воллуш ма вара со. Ткъа хинца хюрш юм тъе сакъера бига безаш бу-кх! – бохура цо.

Цициго, дедда цла а дахана, кланте элира:

– Же, сихо елахь! Хъайна эла хила лаахь, боккъал вехаш хила а лаахь, съыца юм тъе а волий, лиича.

Хъархочун клантана ша хүн ойла ян еза а ца хъара. Амма цициго айлларг а дина, цуңца юм тъе а вахана, шена тъера

бедарш дла а яхна, хи чу иккхира иза.

Цициго, цуңан бедарш схъа а эцна, генна дла а яхъна, діалачкъийра.

Гучуелира тъехь цла долу паччахъан гудалкх.

Эткаш юйхина долу цициг гийла цогла хъекха доладелира:

– Вададай, тхан къинхетаме паччахь! Сан эла кху юма чохь луьичуш вара. Цаъххъана тебна



вeanчу къульно хийистехъ йохкуш йолу цүнан бедарш лачкъийра. Хинца сан эла, халавала ииш йоцуш, хи чохь хиъна Iаш ву. Иштта дукха Iахъ, иза, шел а велла, лиир ву!

Шена иза хезча, паччахъо омра диra, гудалкх сацае альла. Тлаккха цо шен цхъана ялхочуынга, вада ма-ллу сиха вадий, юха а г1ой, паччахъан бедарех къастаяй, тлеюха хлума схъая, элира.

Хъархочун къант, паччахъан еза бедарш тле а юйхина, кечелира. Акхакотамаш шена хлокхо кхөххүйтүш ю мөттүш волу паччахъ хъархочун

къантана чогла реза вара. Цо иза, шена юххе охъахаа альла, гудалкх чу кхайкхира. Паччахъан йол а яцара дүхъал: къант хаза а, къона а вара, цунна иза безамехъ а хийтира.

Эткаш юйхина долу цициг, сихделла, царел хъалха а даялла, дладахара.

Дедда деана, бальццарчу бай тлехъ мангал хъокхуш бохкучарна тле а деана, цо хъттира:

– Хлей, нах! Хлара цана хъенан долахъю?

– Сийлахъчу бозбуанчин, – жоп делира мангалхоса эткаш юйхина долчу цицигна.

– Ладоглал, – элира эткаш юйхина долчу цициго, – хинцца кхузахула тлехвер ву мехкан паччахъ. Нагахъ санна цо хлара бай хъенан бу хаттахъ,

аш жоп ло: «Тхан элан бу». Аш иштта ца олий – шу дерриш дойъур ду.

Тлаккха кхин а дладахча, иза клен аренга кхечира. Благре лаца ца луш, йоккха яра и аре. Ши бие сов адам дара кла хъокхуш.

– Хлей, нах! Хлара кла хъенан ду? – хъттира эткаш юйхина долчу цициго.

– Бозбуанчин, – элира къахъоьгучара.

– Ладоглал, хинцца кхузахула паччахъ тлехвер ву. Нагахъ санна, хлара кла хъенан ду альла, цо хаттахъ, аш жоп ло: «Элан ду». Из аш ца алахъ, шу дерриш а дойъур ду.

Цициг кхин дла а дахара. Адамаш



цунна тлахъя хъаъвссинчохь дисинера, хлунда аълча, царна, адам санна, эткаш а юйхина, лелаш долу цициг цкъя а ца гинера. Цундела царна иза инзаре хеттера.

Дукха хан ялале, эткаш юйхина долу цициг бозбуанчин галина тле кхечира. Майрра чохъя а даялла, цу хъусаман дена хъалха длахъоътира иза.

Бозбуанчас, ца вешаш цуынга а



хъаъжна, элира:

– Хъуна хлун оьшу?

Эткаш юйхина долчу цициго, лохха корта охъя а таийна, элира:

– Со сайн блаъргашца хъо ган деана.

Суна хезнера, хъайна лиъча, мульхха а дийнат а хуълий, хъо длахъутту аълла. Со атта теша, хъох я жъалья, я цхъогал, я ур-атталла борз а хилалур ю аълча. Амма хъох лом хилалур ду аълча, хъуъя дича а, со тешар дац.

– Эхъ-хъай, и суна хъумма а доцу хъума ду-кх! – кура элира бозбуанчас. Тлаккха цу минотехъ цунах лом хилира.

Цициго, ша кхераделла а моттийтина, цеъдаларца элира:

– Мел тамашийна хъума а ду иза! Хила ииш йоцург ду-кх! Ишттаниг суна генах а дуъхъалтосур дацара! Амма кхин тле а башха хир дара, хъох цхъя жима дийнат хилча. Масала, дахка. Хъо мульххачу бозбуанчел а даккхий хъуманаш далур долуш ву, амма и тайпаниг хъольга а далур ду, мояттуш-м дац со.

Бозбуанчина там хилира, ша хастийча. Цо элира:



– Хьо бакъ дац, хьоме цициг, сога иза а дало.

И оллушехъ, цунах дахка хилира. Даҳка, ирх а лелхаш, ида болабелира. Цициго, кхоссаделла, тлахъя а хъайдда, схъя а лацна, хъакхийна-хъакхийна, мад а бина, длақхальлира даҳка.

Ткъа цу хенахъ пачахъ шен йолаца а, «элаца» а новкъахъ воглуш вара. Иштта боккхачу бай тле кхечира уш.

– Хъена долахъ бу хлара боккха хаза бай, хъенан ю хлара цанаш? – хъиттира пачахъо.

– Элан ю! – айлла, массара а цхъяна, мохъ тоъхнна, жоп делира мангальоша, цициго шайга омра ма-дарра.

– Дика цанаш ю хъан, эла! – элира пачахъо.

Цул тлахъя шуьирачу клен аренга кхечира уш.

– Хлей, нах! Хъенан долахъ ду хлара кла? – хъиттира пачахъо.

– Элан долахъ ду! – жоп делира цара.

– Боккха, токхе мохк бу хъан долахъ, эла! – элира пачахъо.

Иштта длаохуш, уш тлекхечира йоккхачу галина.

Ламин лакхарчу тлегланна тлемъ лавтташ дара эткаш юйхина долу цициг.

Гудалкх шена улле тлеъча, цициго, охъя а икхина, не! дла а йиллина, элира:

– Сийлахъ волу пачахъ! Сан элан цла веана хъо. Оцу ахъ динчу сийно ирсе вийр ву иза, ша мел веха.

Пачахъна, гудалкх чуьра охъавоъссича, исбахъя гала гира. Иза шенчул йоккха а, хъоле а хийтира цунна.

Лами тлемула хъала а якхина, уггаре а доккхачу, деших а, дезачу тулгех а лепачу цла чу йигира пачахъан йол.

Шен йол эле маре елира пачахъо.

Ткъа и велча, эла цуынан метте хъльттира, эткаш юйхина цициг пачахъан хъалхара министр а хульуш.

*Французийн маттера туъйра гочдинарг – Л. Витаригова*



# НОХЧИЙН ХІУСАМ

Кхораш техка, ло а Іенош,  
Кіеда, семса, ховха ло.  
Дю діа тіхья лечкъа ценош,  
Амма кхораш хъул ца ло.

Уьш ду къегаш, уьш ду лепаш,  
Лекха, лоха хіттина.  
Кіэззиг Іаинан шелехъ хебаш,  
Генаш дуьхъал титтина.

Йогій кхочу гал-сизера,  
Когех цийзаш, шера лар.

Керташ, тогіеш хийистера  
Йогу беттан эшарна.

Түйра санна, ойла елош,  
Юрт а тамашийна ю.  
Буйса хазъеш, хазъеш шело,  
Стиглахъ серло Іенаш ю.

Иштта эсал, иштта хаза  
Дүнне, мерза ойла луш,  
Шел ца беллехъ барьгийн хъаса,  
Хир ву хъо а изза гуш.



# КЕРЛА ШО ХҮҮНХАХЬ

Оърсийн түйриа

Дакъалоцуурш:

Длахъош верг

Бераш

Борз

Ешап

Гура-Дада

Лайн Йол

Лайн Чим

Комаърша Альзи.

**Ешап.** Вай, ма гелделла со. Ма атта дац, хлара деза гали текхо. Гали деза хилча а, хумма а дац: берашна совгаташ-м гур ма дац!.. Со мича кхаячна? Лайно некъаш хулдина. Некъах со тилладелла. Мичахь ду-те со? Вай Дела!.. Вай, собар, собар!

Бераш дац хюрш? Кечина базалг ма го суна?

**Длахъош верг.** А-а, ешап, хью дац и? Да-а-м ду. Оцу гали чохь, ахь лачкъийна хью ерг хун ю? Бераш, хаттал ешапе. Вай долчохь кхуо хун леладо-те?

**Бераш.** Тхо долчохь ахь хун леладо, ешап?

**Ешап.** Шун мульш ду съга хеттарш дан?! Шун хеттаршна жоп ас лур дац. Гали чохь йолчуынца шун бала бац!

**Длахъош верг.** Хажал, деддарт! Хууш ду, хунда дедда. Гали чохь ерг вайна ца гайта! Гура-Дадий, Лайн Йол а мичахь ду-те? Бераш, мохь тохий, схъакхайкхал царьга.

**Длахъош верг, бераш а.** Гура-Дада, Лайн Йол! Шу мичахь ду?

Некъах тиладелла лелаш ду? Сихха схъадуйла! Вайн базалг хъалалатае!

Вайн Деза де дладоладе! Шу ца хилча, Деза де дладоло ииш яц! Берашна совгаташ дала цхья а вац!

**Ешап.** Гура-Дадий, Лайн Йол! Их схъакхачале, кхузахь вай доккха ор доккхур ду!

**Борз.** Орах вай хун до?





дехар ду. базалг хъалалатийта!

**Гура-Дада, бераш.** Цхъаъ, шиъ, кхъ, диъ, пхиъ – базалг хъалалатийта!

**Лайн Йоl.** Суна хъаа, бераш, аш дика кечам бина. Гура-Дадига а, съга а аш чюгъа сатийсина! Цундела вай, дайма ма-хиллара, базалгана гуо беш, дуьйлалур ду! Аш йамийначу байташка ладугур ду!

(Бераша байташ юйцу).

**Гура-Дада.** Вуой-й, ма дика бераш ду! Байташ, цхъадика, массарна а хъаа. Шуна дала дезаш совгаташ ма ду! Амма новкъахъ, дуьхъал а даълла, Ешапо совгаташ дла ма даъхна!

**Ешап.** Мел йовдал ю! Ор чу вожнарг къайлавер ма ву! Лайн Йоl, Гура-Дадий кху ор чу дожахъ, Керла шо тъекхочур дац. Тлаккха берашна Керла шо гур ма дац!

**Борз.** И шиъ, тъехдаълла, дладаханий-те? Тлаккха ор ахка оьшуш дуй-те?

**Ешап.** Ахка! Дукха ма ле! Кху лайлахула сиха бахалур бац. Шаьш кхача луучу метте кеста кхочур бац уьш!

**Гура-Дада.** Маршалла ду шульга, сан хъоме бераш. Шу мел дукха гулделла. Могуш-марьша шу хиларна, ас хастам бо вайн Далла! Керла шо вай даздийр ду, шун самукъадокхур ду!

**Лайн Йоl.** Берийн самукъадалийта! Базалг вайна лепийта! Гура-Даде





Ешап каро дезаш ду, цу тlexь вайн го  
хъан дийр ду?

**Лайн Чим.** Массо а меттехъ со  
хъийза, дерриге а хlума сунаго! И  
Ешап мичахъ ду, сунагуур ду!  
Гура-Дада, ахъ пурба лахъ,  
сайн вешица-махца ас хlара  
дүнне толлур ду, тхойшиъ  
хъожур ду, Ешап мичахъ ду!

**Гура-Дада.** Дика ду, Лайн Чим,  
хlун нисло хъовса, берийн совгаташ  
схъадерзаде!

**Длахъош верг.** Лайн Чимо дүнне  
толлушехъ, вай ловзаргех ловзур ду.  
Шун самукъадоккхур ду!

**Лайн Йол.** Базалгех лацна хир ду  
хаттарш. Базалг стенца кечио, дийца  
цкъа хъалха! Цхъа жоп бен, дала ца  
оьшу, бераш. «Хлаъ», я «хлан-хла» бен,  
ала оьшуш дац!

**Гура-Дада.** Базалг стенца кечио?  
Бес-бесарчу ловзаргашций?  
**Бераш.** Хлаъ!  
**Лайн Йол.** Юрғланций я гайбиций?  
**Бераш.** Хлан-хла!  
**Гура-Дада.** Маынгиций, диванций?  
**Бераш.** Хлан-хла!  
**Лайн Йол.** Ангалин бицлаълдигашций?  
**Бераш.** Хлаъ!  
**Гура-Дада.** Бес-бесарчу тутешций?  
**Бераш.** Хлаъ!  
**Лайн Йол.** Тетрадашций, книжкашций?  
**Бераш.** Хлан-хла!  
**Гура-Дада.** Хазчу гирлаындашций?  
**Бераш.** Хлаъ!  
**Лайн Йол.** Лепаш долчу седарчашций?



**Бераш.** Хлаъ!

**Гура-Дада.** Чохъ са долчу  
цолькъалольмаций?

**Бераш.** Хлан-хла!

**Лайн Йол.** Бамбех динчу клайчу  
лайций?

**Бераш. Хлаъ!**

**Лайн Йоl.** Мел дика бераш ду, дерриге а хууш! Шуна-м совгаташ дала ма дезара... Амма Лайн Чим гуш ма бац. Цунах лаъцна хаам буй-те?

**Гура-Дада.** Лайн Йоl, и гуш ерг мила ю?

**Лайн Йоl.** Иза Коъмарьша Аъзни ма ю. Вай хинца дош цуынга лур ду.

**Комарьша Аъзни.** Маршалла ду шуъга, бераш! Шу ма хаза гулделла. Ешапо бан кечбина бохам ца хилийта,

ас гло дийр ду шуна! Массеран а лаам кхочушбийр бу, совглат доглучунна совглат а луш! Урокехъ «пхиъ» дакха луучунна пхиъ дакха гло дийр ду! Лаам кхочушхилийта, шен лаам кхочуш хирг хиларх тешаш хила веза!

**Лайн Чим.** Хлаваэхъ лепаш Лайн Чим бу со. Суна гинарг хлара сурт ма ду. Борззий, Ешаппий ор охкуш ду, Гура-Дадий, Лайн Йоllий цу ор чу дожийта, лууш.

**Лайн Йоl.** Эрна охкуш ду и ор. Вайн дезде – Базалг-де – доладелла дукха хан ма ю!

**Гура-Дада.** Ас и шиъ хинцца гюорор ду. Вайн накъосташна аъхкинчу ор чу зуламхой шаъш кхульссур бу.

**Комарьша Аъзни.** Ца оьшу. Ор чу уьш кхисса хала ма дац. Вай и шиъ, бераш, вай долчу схъадалор ду. Вониг дан лууш уьш хунда бу, цаърга шайга хоттур ду!

– Шийла мох, хъо каде хъовза,  
Ешаппий, Борззий – кхуз  
схъакхачаде!

*(Буърса хъаъкхначу маҳо  
блъярганеглар тухучу юкъана  
схъакхачийра Ешаппий,  
Борззий).*

**Комарьша Аъзни.** Алал аш тхояга хинца. Дуънен чохъ вониг дан лууш хунда ду шу? Хун бахъана ду, аш схъадийцахъ, шуна гечдан кийча ду тхо. Вониг цхъаммо а дан мегаш ма дац. Шуна Дела реза хир ма вац!



**Ешап.** Вониг оха дийр ма дацара, и дан аш шаьш тхо кхойллина дацахьара! Шун эшаршкахь, шун туийранашкахь тхо дайма вониш ду. Тхояга аш хайттиний цкъа а, тхо и лууш дуй айлла? Дера, ца хайттина. Тхо тхавш а реза ма дац вониг дан. Даима вон хила атта ма дац!

**Борз.** Суна а ма лаъа берашца ловза. Амма книжкаш төхөн, мультикаш чохь дайма хьоххуш ма ду, «Борз массарел сийдоцуш ю» бохуш. Цундела бераш суна реза ма дац. Со шайца ловзийта ца лаъа царна. Ас тлаакхха хүн дан деза?

**Комаърша Альзни.** Бахъана хинца вайна хии. Бераш, шу реза дуй, и шиъ

төэца? Вониг цара кхин дийр дац. Цхъяннан а хүмма а лачкъор яц! Цхъянна а зулам а дийр дац, тешнабехк а бийр бац!

**Гура-Дада.** Совгаташ хюрш ду. Ма хаза хульу, Керлачу шарца шу декъалдеш!

**Лайн Йол.** Байташ дика йийцарна, хаза хелха довларна, берашна ло совгаташ!

*(Берийн цераш а йохуш,  
дэлэгтэй совгаташ).*

**Комаърша Альзни.** Керлачу шарца шу декъалдойла. Барт, айтто, ирс цкъа а ма эшадойла!

*Туьра гочдинарг – Ибрагимова Зина*



# БУЙСАНАН ИЛЛИ

Батто йовхо гийла ло,  
Арахь оыгу шийла луо.  
Іаынан буйса еха ю.  
Бабин түйира деха ду.

Мохо деря мархаш лоъхку.  
Дарцо бешахь зурма лоъкху.  
Дарц ду бурса, сиха мох а,  
Йиш яц иза тховса бохбан.

Кхерчахь алу, лелхаш, ловзу.  
Клур бу түнкалг хъеста говза.  
Сеңна тховса хенан гуо.  
Бабин түйира генах го.



# ПХЪЯР

*Дийцар*

Арахъ етташ цхъа хIума а хезна, чохъ цхъацца деш йоллу Асет, ладоыгIна, сецира. Ванах, и хIума еттарг мила вуте? Дласахъежарх, кхин хIумма а ца гина, и гIовгIа шен хIусамдас пхъола дечу цIа чохъ а хетта, цига яхара иза. Меллаша неI йиллина, чухъаъжча, шен кIант гира. Цо дечух цецъялла:

– Салман, хьо хIун деш ву? – хайттира Асета.

– Со, дерга, ву, нана, олхазаршна чохъ Іан ценош деш, – элира кIанта. – Ло диллича, чудаха хIусамаш ца хилча, уьш шеллур

ду, уьш мегар дац. Іа шийла дагIахъ, уьш хIаллакъхир ду. Цундела царна Іа даккха гIо дан воллу-кх со. Ло дацахъ а, буйсанаш шийла ца йогIу вайна? ХIара бенаш ас леккха дитташ тIе дIатухур ду, царна чу сих-сиха юург а юллур ю, уьш ца леш Іаънера девр ду. Ницкъ белара ишта-м, массо а олхазарш Іаънах даха. Делахъ а сайга далун гIо-м дийр ду!

– Лекхачу дечка тIе ца тохча, ца мега уьш? Хъалавала а гIортина, чувагIахъ, лазор ма ву хьо!

– Бина бен а бац, нана, и дIатоха дитта





тІе ваялла а вац, ткъа хъо сояга, лазор ву, лакха хъала ма  
вала бохуш ю.

– Длавалахъа хІинца. Ларлолахъ, пхъар, – айлла, ела  
а елла, араелира нана.

Сарралц олхазаршна «цІенош»  
дира Салмана. Клад а велла, суйранна  
бинчу белхан жамІ дича, кЛанта ша бина ялх бен багарбира.

ШолгІачу дийнахъ Іуюрре, дукха хъалхе гІаыттина,  
вахара Салман шен доттагІ волчу. Рамзан дечиг чуоцуш  
карийра кхунна. Дечиг чухъош,  
гІо а деш, ша деъна гІуллакх  
дийцира Салмана.

Рамзана шен нене, ваха мегий айлла,  
хатта а хайттина, длавахара ши кЛант.

Май-май Пе дитташ тІе бенаш дІатуихира царьшимма.  
Чу ча а дуыллуш, олхазаршна йовха хилийта, чоинаш тойира.  
Массарна чу ялтин буытигаш а тесира.

И болх бина шашшиъ ваялча, генна а ваялла, хІун хульу  
хъажа, сецира ши кЛант. Дукха хан ялале, олхазарш гонах  
хъийза дуылира, чудовлущ, сихха арадовлущ, баннашца  
эвхъязадовла гІерташ, шайна меттигаш долайохуш.

Воккхавеш цІа вахара ши кЛант.

Цул тІаъхъа царьшиннах масал а эцна, кхидолчу бераша  
а дира олхазаршна бенаш.

Дуыхъара Салманна и бенаш дан дага  
муха деара айлча, цкъа ловза ваханчурда цІа  
вогІуш, хъоза карийнера цунна, шелделла,  
охъадоъжна. Из, хІокхо цІа а деана, чохъ  
дохделча, меттадеара. Шена тесна бепиган  
цуыргаш а диъна, кеда чуыра шена доыттина  
хи а мелла, дІадахара хъоза. Эццеҳ ойла  
кхоллаелира кЛентан олхазаршна бенаш дан.

Цо и шен ойла кхочуш а йира. Дуккха а  
олхазарш хаза Іаънах девр ду кху шарахъ.



## Со ву-кх

– Схъавоълла, Дауд, Менделеевн таблицы тIера радиин формула лахал, – элира хъехархочо.

Дешархочунна ца карайора ... ца йовзарна. Цхъаммо-м юханехъа дерзийна «Я» гайтира. ТIаккха карийра.

– ХIара ю-кх... радий.

– Нийса ду... ХIета, алал, радиј уггаре а хъалха карийнаг мила ву?

– Со ву-кх... – элира, шена «шиъ» дилларна кхoyerуш, воъхна хъаввзинчу Дауда.

Классехъ берш бийлабелира.

Цул тIаъхъа, «Радий карийна Дауд» айлла, цIе дIаяхара цуьнан.

## Деза денош

Туьканара эцна календарь еара дас.

– Хъажийтахъа, – дийхира пхи шо долчу кIанта Сайхана.

– Цхъадолчу кехаташ тIера йоза цIен хIунда ду? – хъттира кIанта.

– Уьш кIиранденош а, деза денош а ду.

– И бохург хIун ду?

– Изий? Иштта, со балха ца воьдуш, цIахъ Iаш волу денош ду-кх уьш, – элира дас.

ТIекхечира январь. Пенах дIатуйхира Жамлис календарь.

Цунна гира кехаташ тIерачу дуккха а терахъашна тIехъекхна цIен къолам.

– Ой, хIара хIун ду? Уьш хъан хъекхна?

– Ас хъекхна-кх, – элира Сайхана.

– ХIунда?

– Деза денош алссам хилийта.



# ЗУЬНО ДИНА ХІИЛЛА

Халкъан туьира

Борзий, цхъогаллий, зуй, цхъальна  
а кхетта, ижу лаха дахана. Даоъху-у-  
уш, цхъана новкъахъ Ӏульлуш доккха  
йоъхъан дақъа гина царна. Барзо  
катоъхна йоъхъ схъаэцна. Цхъогаллий,  
зуйцунах тасаделла. Даасайзийна цара  
йоъхъ, хюраммо а шегахъа а ийзош.

Йоъхъ декъа барт ца хилла церан.

Тлаккха зульно альла:

– Шу реза делахъ, буса уггар хаза глан  
гинчунна кхочур ду йоъхъ!

Борзий, цхъогаллий резахилла. Цу  
тлехъ барт а хилла, акхарой дладийшина.

Іульранна барзо шена гина глан  
дийцина.

– Тлехъ ly воцуш жа гира сунан. Цу  
юккъера дерстине дол-долу уьстагий,  
схъа а лоцуш, диира ас, – альла цо.

– Хаза дайна глан ду иза-м! – альла  
зульно. – Хинца ахъ дийцахъа, цхъогал,  
хъуна хүн гира генах?

– Котамаш йолчу бун чу кхечира со.  
Цу чуьра, ерстине ер-ерг схъа а лоцуш,  
котамаш йиира ас, – альла цхъогало.



– Из а ду хаза дайна һан, – элира зульно.  
– Хинца ахь дийцал, – айлла, төдирзира  
цунна борззий, цхьогаллий.

– Аш генеах лелийнарг суна гира. Мел  
лехча а, суна-м ца кариира кхалла хүмма  
а. Тлакхса со мацалла самаелира, буйса  
кхоалг1ачу декъе ийрзинчу хенахь. Шу,  
уьстаг1ий а, котамаш а йиина, меца а хир  
дац айлла, ас и йоххъян дақъа диира-кх,  
– айлла зульно.

– И хүн ду ахь динарг? Хьо ен еза!  
– мохъ хьеекха хьоьттина борззий,  
цхьогаллий.

Зульно, горг а елла, шен муц1ар а,  
когаш а д1алачкъийна. Массо а клохцал  
ирхдахийтина, буырка санна, 1уыллучу  
зунна хүн дер ца хууш, гонах д1ахьийзина,  
схъахьийзина – кхин дан х1ума а ца хилла,  
ши экха д1адахана.

Иштта эккхийна-кх жимчу хьеекъалечу  
зульно борззий, цхьогаллий шена уллера.

# ГҮҮЛГЕХ ЛОВЗАР

– Чирдиг, схъавоъл кхуза, – элира воккхачу стага, – вайн къомана юккъехъ хилла мульха ловзарш девза хъуна?

– Гал-гложмех ловзар, туштуьппалгах ловзар, лечкъаргах ловзар, – охъадагардира Бабин Чирдига.

– Коътаниг хъаха а ма ца дий ахъ.

– Мульханиг, Воккха-Дада?

– Гүулгех ловзар.

– Хла-а... Хла-а, иза а дара. Суна дицделла и, дагадаитахъа, Воккха-Дада.


– Халкъан эшарш а, иллеш а, туьранаш а, ловзарш а – цхъа а хъума дицдан мегар дац. И дерриге а вайн дахар ма ду. Царах цхъа хъума юккъера дладаълча, вайн дахар къийло, басадолу.

Воккха-Дадас Бабин Чирдигна дагадаитира нохчийн уггаре ширчу ловзарех цхъаъ – гүулгех ловзар.

– Гүулг – бежанан а, уьстаглан а когийн даяхкаш хотталучура йоккхуш ша-тайпа кеп йолу тъюхк ю. Гүулган билгалйоккху ялх агло. Амма ловзучу хенахъ къастош ерг пхиъ бер яц. Гүулган «букъ» болу агло хлур (я кур) ю. Цуьнан «цонга» долу агло чик ю. «Лерг» дерг – альча ю. Шера агло – тап ю. Гүулган «когаш» ти хлоттарх нонкх олу. Цинцолг-минцолг олуш а хульу.

Гүулгех ловзаран масех кеп ю. Царах цхъаъ иштта ю.

Ловза дуьйлалуш, цхъа билгало йолу гүулгаш схъакъастадо, масала, цхъа бос берш я цхъа кеп ерш, доккха-жима хиларе хъаъжжина. Шиъ, кхоъ, кхин а сов хила тарло ловзурш. Го длаболош, хюрамма гүулг кхуссу. Гүулг хъалха альча хюйттинчо длаболабо бал. Вукхара цуьнга шишша-кхоккха – шайн барт



ХЛУР(КУР)



ЧИК.Ю



АЛЧ.Ю



ТАП.Ю



НОНКХ

хиларе хъаъжжина – гүулг дәло. Цо уш лаътта охъатосу. Тлаккха цхъатерра эгна гүулгаш, пелг тухуш, вовшах а детташ, схъадоху. Вовшахтоха мегаши аълча, ши хлур. Иза «вавъгча», гүулгаш дахарагъ кхечуынга кхочу. Вогу, гүулг ша хъажийначунна төца кхетахь, я иза кхечу кепара дъожначу гүулгах хъакхалахь, масала, аълча – хлурех. Тлаъххъара гүулгаш даяхначуынга массара а, хъалха а санна, шишша-кхоккха гүулг дла а лой, цуынга дәболабойту керла бал.

Гүулгаш тесначун цхъаъ нонкх хлоттахь, дерриге гүулгаш дәэца бакъо а ю цуынан.

Тлаъххъара а тоъллачо, аълча а, дерриге гүулгаш схъадаъхначо, шегахъ

мел долу гүулг тосуш а хуълу. Цунах бал кхоссар а олу.

Иштта ю гүулгех ловзаран цхъа кеп. Тлаккхахула кхин цхъаъ а юйцур ю хъуна ас.

– Эх!, ма хаза ловзар а ду. Баркалла хъуна, Воккха-Дада, ас дицдийр дац хъуна и кхин, – длахъаъдира Бабин Чирдиг.

– Чирдиг, ахъ хлун до? – тлаъхъа мохъ туъихира воккхачу стага.

– Гүулгех ловза воль-оль-ду! – геннара схъахеза Чирдиган аз.

... Бераш, шу долчу кхечирий иза?

Шуъга дийцирий Бабин Чирдига, гүулгех муха ловзу?

Гүулгех ловза юмаш дуй шу?



# **Жа́льеш**

**Цахь кхобуши долу жа́льеш дий бие гөргөн болчу тайпанашика декъало. Уши хульу дакхий-онданаш, юккъерчу дегжехь дерши, цицигаши санна, кегийнаши а. Церан массеран цераши яхна вер вац, наагахь санна ершии хуши хилча а. Нохчийн маттахь сайна евзинчарах цхадолчу жа́льлийн цераши иййца луур дара сунан.**

## **Йовсар (дворняшка)**

И жа́льла кертахь лелош ду дукхахьолахь. Цо дика ларийо керт. Ша лелош волчунна вуно тиера хульу и, шен дена тиехъюйттина, дала кийча а долуш. Дегж юккъерчу барамехь ду цүннан.



Цу хүх долу жа́льеш, кертахь а ца леш, ара а довлий, дала кхечхья дадоьлху.

## **Месалг (кудлатка)**

Тиера чо беха а, бульца а хиларна, тиллина и це жа́льлина. Месалго шело

атта лов. Иза дукхахьолахь кертахь леладо, къасттина шийлачу мехкашкахь.

## **Эр (борзая)**

Дукха нахана, къасттина таллархошна, девзаш а, дезаш а жа́льла ду эр. Буткъабеха когаш а болуш; муцтар, кхечу жа́льлийн хульучул а, хаалуш юткъа-еха а йолуш. Дикка генахь хиларх а, хъожанца котамийн тайпанах долу олхазарш хаало цунна. Дегж дайн хиларна, дийнахь сарралц толлуш леларх, кад ца ло.



Бераш! Басарща кечде хлара сурт.



# “Стелалодан” дошам



«Стелалодан» дошамера майна түйдүш долу дешнаш журналан хөлхүү лоьмарехь долчу йозанаш юкъара ду.

**Акхакотам (й), акхакотамаш (й)** – хъяннашца, аренца хульу  
доккха олхазар (фазан).

**Бухла (й), бухланаш (й)** – хъяльзина злок а йолуш, буйсанна бен са гуш доцу,  
баккхий блаяргаш болу хъульнан олхазар (сова).

**Вай далар** – накхармозий, цхъанаметта хъийзаш, төмөдовлар.

**Гүулг (д), гүулгаш (д)** – хъалха заманахь бераша ловзош хилла йолу  
төвхкаш, устаглан когийн хуттургашкара кегий даылахкаш.

**Ешап (д), ешапаш (д)** – зударийн сибаташ-аматаш долу экха (колдуња).

**Ирс дебар** – дáхар тóдалар.

**Ичархо (в), ичархой (б)** – топ нийса тухуш верг, таллархо (снайпер).

**Кломсар (й), кломсарш (й)** – ѹоккха церг; экханан,  
жаълин церг (клик).

**Клур глаттор** – къеззигчу гүуллакх тlexь  
 ѹоккха гловгла яккхар (паника).

**Нонкх (й), нонкхаш (й)** – бериин ловзарехь нийса длахлоиттина гүулг.

**Омра (д), омранаш (д)** – кхочуш дан дезаш долу  
төдөжор (приказ).

**Похима (д), похиманаш (д)** – адаман сица хульуш йолу  
говзапла (талант).

**Пхьола (д), пхьоланаш (д)** – дан а хууш деш долу говза гүуллакх.

**Тлалам (б), тлаламаш (б)** – пусар, хама.

**Тъюхк (й), тъюхкаш (й)** – длаххосса бен кхин пайде йоцу, жима хъума.

**Тап (й)** – ловзочу гүулган шера агло.

**Таро (й), таронаш (й)** – айтто.

**Телехъожийла (й), телехъожийлаш (й)** – телевизорехула гойтуш йолу  
кечина программа, передача.

**Хазнанча (в), хазнанча (б)** – паччахьо ахча-бохча лардан хлоттийнарг.

**Цинцолг-минцолг (й)**, – жима хъума, хъумалг.

**Цана (й), цанаш (й)** – докъарна хъокхуш йолу хъийкъина буц.

**Цхъалхаяльла мульста аре** – гүйренан дөгланаша яшийна латто меттиг.

**Этмайыиг (й), этмайыигаш (й)** – (улитка).

# ХІЕТАЛ·МЕТАЛШ

Шамсуддинов Макхал



# Хаар-зер



*Хломмуйнарс – Мусаев Керим*

A crossword puzzle grid with the following numbered squares:

- 1 Across
- 2 Across
- 3 Across
- 4 Across
- 5 Across
- 6 Across
- 7 Across
- 8 Across
- 9 Across
- 10 Across
- 11 Across
- 12 Across
- 13 Across
- 14 Across
- 15 Across

The grid features several highlighted areas:

- A yellow vertical bar from row 17 to 27 at columns 3 and 6.
- A pink horizontal bar from row 41 to 45 at columns 2 through 8.
- A yellow horizontal bar from row 46 to 50 at columns 2 through 8.
- Pink vertical bars from row 51 to 55 at columns 1, 4, and 5.
- A yellow vertical bar from row 56 to 60 at column 2.
- A pink vertical bar from row 61 to 65 at column 4.
- A yellow vertical bar from row 66 to 70 at column 5.
- A pink vertical bar from row 71 to 75 at column 4.
- A yellow vertical bar from row 76 to 80 at column 5.
- A pink vertical bar from row 81 to 85 at column 4.
- A yellow vertical bar from row 86 to 90 at column 5.
- A pink vertical bar from row 91 to 95 at column 4.

**Пурхнехъа:** 3. Сатохар. 5. Кхольина догойла. 9. Заманан боккха мур. 10. ПаргІато. 12. Морфологин дákъа. 15. Шелвелча, дегIе йогIу...

**Охъанехъа:** 1. Клентан ѿ. 2. Белхан кИира

долало цу дийнахъ. 4. Дуккха даыхни.  
5. Яздархочун Бадуевн ще. 6. Бераша базалгана  
бина... 7. Реза хилар. 8. Тюм діабальча xIутту...  
11. Волаваларан кеп. 13. ХIума хуу воккха стаг.  
14. Кхана Йийча, тIекхочу де.

**Жорапын:** сооғақ, саршаштырау, ғилемо, майдыно, оқшама; Ақсаң, оқшама, ғақиңа,



**ЧЕЧЕНСКАЯ РЕСПУБЛИКА. ГАУ «Детский журнал «Стелалад», №5-6, 2016. Журнал выходит с 1986 года.  
Редакционный адрес: 364021, Сочи, ул. Маяковского, 92.**

Журнал диллинарг: Нохчийн Республикин къымнийн политики

министрство. Министерствон адрес: 364060, Сылжа-Гала, Дудаев бульвар, Радион ца.

Журналана регистраци йина 2014-чу шеран 5-чу февралехь федераль

йолчу зөнан а, шуийрачу коммуникацийн а декъехь тергояран Урхаллехь.  
Регистрационный номер документа - ПИ № ТУ 22-200002

Регистрацион хьокъехъ товшалла НИ № ТУ  
Код редактор - А.М. Баженчукова

**Көркөтүш редактор – А.М. Бексултанова.**  
**Көркөтүш редакторынан дағынчылар: Ш.Дадаев, Ж.С.Дарханов, З.И.Мухаметова.**

**Көркүтчү редактордан Пойнча уш. Дадаев, жыналып көркүтчү секретарь З.Ш. Мугаева.**  
**Ролкодеги: Д. Абдуллаев, М. Ахмадов, Х.Б. Исраилов, Э. Даңдаказова, С.М. Ҳасиев.**

**Редакколеги:** Ю. Аудулаев, М. Ахмадов, Х.-Б. Исаиров, Э. Дадакаева, С.-М. Хасиев.  
**Дизайн а верстка:** а – З.Э. Нукусеван. **Мукшата Тлеера сүрт дилдинарга:** Эрзакиева Элена

**Дизайнер А, Верстка А – З.Э. Нураханов. Мужалта төрөл сурт диллинаар** – Эрзанкуаева Елена. Номер кэйчина 2016-чуу шеран 12-чуу декабрехь Зорбатхаа бакъю елла 2016-чуу шеран 19-чуу декабрехь

Номер кечиине 2018-  
Зорбатынна 23-чу декабрехъ.

Барам 60x90 1/8, № 1 йолу оффсетни көхат. Оффсетни зорбаба. Тираж 2 000. Заказ №  
Зорбатхана 23-й деңгээрхе.

Зорбатъхна ПЗЛ «Грозненский рабочий», 364021. Интернациональни урам, 12/35. Бинна маҳ.

Журналана язвала таро ю “Россиян почтам” зленан отделенешкахъ а, журналан редакцехъ а. Max 350 сом 73 кепек (эхашарна).